

Ibihe Birindwi By'itorero

Igice Cya Cumi

Incamake Y'Ibisekuru By'itorero

Inyigo yacu kuba yaragaragaje inyigisho yifashishije ibice by'Ibyanditwe umurongo ku murongo bivuga ku bisekuru birindwi, nta bwo twabashije kugaragaza ku buryo buhagije igishushanyo cy'amateka y'itorero gikubiye hamwe. Ibyo rero ni byo twiyemeje gukora muri iki gice, duhereye ku gisekuru cya Efeso, kugira ngo dukurikizeho ibisekuru byose uko byakabaye by'itorero n'amateka yaryo nk'uko Umwuka w'Imana yabyeretse Yohana. Aho kugira ngo twongere ikintu ku byamaze kuvugwa, tugiye gukora uko dushoboye kose dashyire isano hagati y'ingingo tugiye kuvugaho n'ibyo twagaragaje.

Ibyo twize byamaze kutwigisha ko igice kinini k'Ibyahishuwe cyumviswe nabi kubera ko mbere tutari tuzi ko "itorero" rivugwa kandi rikanabwirwa muri icyo gitabo atari gusa « ecclesia »« Intore », "Umubiri wa Kristo, "Umugen" ahubwo ko ari abantu bose hamwe biyita abakristo, baba ari bo by'ukuri cyangwa se ari bo ku izina. Nk'uko Isirayeli yose ATARI Isirayeli, ni na ko abakristu bose ATARI abakristu.

Ku bw'ibyo twize ko Itorero rigizwe n'imizabibu ibiri: uw'ukuri n'uw'ikinyoma. Amoko abiri y'imyuka akoresha iyo mizabibu yombi uko ari ibiri: umwe muri iyo mizabibu ufite Umwuka Wera, mu gihe undi wifurebye umwuka wa antikristo. Yombi uko ari ibiri ihamya ko izi Imana kandi ko izwi na Yo. Yombi uko ari ibiri ivuga ko ivuga ibituruka ku Mana. Yombi uko ari ibiri yizera ukuri kumwe na kumwe rwose shingiro, kandi ntivuge rumwe ku kundi. Arik, kubera ko yose uko ari ibiri itwaye Izina ry'Umwami ikitwa abakristu (aba Kristo) kandi igahamya ku bw'iryo Zina ko ifitanye isano na We (ari byo Imana yita ukuba umwe na Yo), Imana izayifata yombi uko ari ibiri nk'irebwa n'ibayo, kandi ku bw'ibyo, Ibwira iyo yombi uko ari ibiri.

Twize na none ko iyo mizabibu yombi yari igiye gukura umwe uri iruhande rw'undi kugeza ku iherezo ry'ibisekuru, aho yajyaga kuzageza igihe cyo kwera yose uko ari ibiri kandi yose uko ari ibiri igasarurwa. Umuzabibu w'ikinyoma ntiwajyaga kuzashobora kunesha no kurimbura umuzabibu w'ukuri, arik na none umuzabibu w'ukuri na wo ntiwajyaga kuzashobora kuzana umuzabibu w'ikinyoma ngo uwugeze ku isano hamwe na Yesu Kristo izana agakiza.

Twize - ukuri yoo! Uburyo bitangaje - ko Umwuka Wera yashoboraga kumanuka ku bakristo batavutse ubwa kabiri, babyawe n'umuzabibu w'ikinyoma, kandi ko yajyaga kumanuka rwose kuri bo mu mbaraga ku bw'ibimenyetso n'imirimo ikomeye, nk'uko Yuda yagize ubukozi ntawabuhakana mu Mwuka Wera, kandi nyamara byaravuzwe ko yari dayimoni.

Dushingiye kuri ibyo byavuzwe haruguru, reka dutangire dukurikirane Itorero mu gihe k'ibisekuru birindwi.

Itorero ryavutse kuri Pentekoti. Nk'uko Adamu wa mbere yahise ahabwa umufasha n'ikiganza k'Imana yagumye ari umuziranenge igihe gito cyane, ni na ko Kristo, Adamu wa nyuma, yahawo umufasha mushya udafite inenge kuri Pantekoti; kandi yaritandukanje, kandi yagumye kuba umuziranenge uzira ubwandum igihe gito.

"*Kandi nta n'umwe mu bandi watinyukaga kwifatanya na bo*"

(Ibyakozwe 5 :13), kandi:

« *Kandi uko bukeye Umwami Imana ikabongerera abakizwa* »

Ibyakozwe 2 :47.

Nta bwo tuzi igihe ibyo bintu byatwaye uko kingana, arik umunsi umwe, nk'uko Eva yari yarageragejwe kandi agashukwa na Satani, ni na ko Itorero ryandujwe n'ukwinjira k'umwuka w'Antikristo.

"... ni (umwuka) uwa Antikristo uwo mwumvise ko uzaza kandi none umaze kugera mu isi."

1Yohana 4:3.

Kandi Yesu yabwiye Umugen We wo mu icyo gisekuru cya mbere ati:

"*Mfite icyo nkugaya ni uko waretse urukundo rwawe rwa mbere. Nuko ibuka aho wavuye ukagwa, wihane.*"

Ibyahishuwe 2:4-5.

Muri icyo gisekuru cya mbere, Itorero ryari ryaramaze kuba: "umugore waguye". Nk'uko Satani yari yaramenye Eva mbere ya Adamu, na none Satani yari yarashutse Itorero arariyobya, Umugen wa Kristo,

mbere "y'ibirori by'ubukwe by'Umwana w'Intama". Kandi ni iki rwose cyari kiri muri bo cyabateye kugwa? Nta kindi usibye Ibyahishuwe 2:6:"IMIRIMO Y'ABANIKOLAYITI."

Igisekuru cya mbere cyari cyaramaze kureka gukurikira Ijambo ritavangiye ry'Imana. Bari bararenze ku byategetswe n'Imana by'uko Itorero ryose uko ryakabaye ryagombaga kuba ari We ryiringiye (rigashyira ibyiringiro byaryo byose uko ryakabaye ku Mana kugira ngo Isohoze Ijambo ryayo uhereye kuri A ukageza kuri Z hatabayeho kwiyambaza ubuyobozi bw'abantu), mu guhindukirira ubunikolayiti, ari byo gushyiraho inzego za kidini bashyiraho ubuyobozi bwa kimuntu mu Itorero, ubwo ngubwo, kimwe n'ubuyobozi bwose, buba bushingiye ku itegeko riyobora abantu. Bakoze neza neza nka Isirayeli: ku bwo gukora uko bishakiye, bashimbuje Umwuka n'Ijambo ubuyobozi bwa kimuntu.

Urupfu rwari rwarinjiye. Ni buryo ki tubimenya? Ntitwumva se ijwi ry'Umwuka, ryahagurutse rikarangurura muri icyo gisekuru cya mbere, rwose rikumvwa n'abashaka bose kumva, mu gihe Ahamagaraga ati: "Unesha nzamuha kurya ku Giti cy'Ubugingo kiri muri Paradizo y'Imana." Itorero ryari ryaramaze kurya riyongobeza ibantu byinshi bikomoka ku giti cy'urupfu." (Ni ukuvuga ibituruka ku muzabibu w'ikinyoma wa kidini) uzasoza ujugunywe mu itanura ryaka umuriro. Ariko ubu nta bakerubi bakiri aho barindishije Igit cy'Ubugingo inkota yaka umuriro. Noneho, Imana ntikiva mu Itorero nk'uko yari yavuye muri Edeni. Yoo! Oya. Izaguma igihe cyose hagati mu Itorero ryayo, kugeza ku gisekuru cya nyuma. Kandi kugeza ubu, iracyahamagara buri wese ngo aze.

None twitonde aha rwose. Ubutumwa buhabwa marayika w'Itorero riri muri Efeso; nta bwo ari ubutumwa bubwirwa Itorero ry'akarere ryo mu mugi wa Efeso; ni ubutumwa bw'IGISEKURU. Kandi icyo gisekuru cyari gifite muri cyo imbuto y'ukuri n'imbuto y'ikinyoma, nk'uko bivugwa mu mugani w'urukungu n'ingano. Ibisekuru by'Itorero ni umurima, kandi muri uwo murima harimo ingano n'urukungu. Itorero ry'ikinyoma ryahindutse idini, ryavanze ubuyobozi bwa kimuntu n'Ijambo, kandi rirwanya abakristo nyakuri.

Urukungu igihe cyose rukura neza kurusha ingano cyangwa ikindi kimera gitewe. Itorero- ry'urukungu ryakuze ryihuta muri icyo gisekuru cya mbere. Ariko Itorero- ry'ingano na ryo ryari rimeze neza ritera imbere. Ku iherezo ry'igisekuru cya mbere, imirimo y'Abanikolayiti yari yaramaze kugenda irushaho gufata intera ndende mu matorero y'akarere y'umuzabibu w'ikinyoma, kandi yashakaga kugenda arushaho gukwiza hose imbaraga zayo zikagera no hanze. Izo mbaraga zahise ziroha mu Itorero ry'ukuri, kuko abantu nka Polycarpe wo kubahwa biyitaga abepisikopi, bagaha urwo rwego insobanuro Ijambo ritaruha. Muri icyo gisekuru na none Itorero ry'ukuri ryari ryaratatakejce urukundo rwaryo rwa mbere. Urwo rukundo rwashushanywaga n'urukundo rw'umugen'i n'umugabo we mu gushakana kwabo no mu gihe k'imyaka yabo ya mbere yo kubana kwabo nk'abashakanye. Nyamara, urwo rukundo rwuzuye bidasubirwaho rwagendaga rukonja, kandi bakagenda bava ku Mana burundu.

Ariko nimwitegerez. Ibyahishuwe 2:1 bitwerekwa Umwami Yesu ari hagati mu Itorero Rye, afashe intumwa mu kiganza ke k'iburyo. Uyu mugeni waguye, umubiri w'itorero, aho ubu umunyakuri n'umunyakinyoma bavanze, ku bw'ibyo nta bwo Yarireka. Ni irye. Na none ni byo bivugwa neza neza mu Baroma 14:7-9:

"Nta muntu muri twe uriho ku bwe cyangwa upfa ku bwe.

Niba turiho turiho ku bw'Umwami, kandi niba dupfa dupfa ku bw'Umwami.

Nuko rero niba turiho cyangwa niba dupfa, turi ab'Umwami. Kuko icyatumye Kristo apfa akazuka, ari ukugira ngo abe Umwami w'abapfuye n'abazima.

Ku musaraba, Yaronse abantu BOSE. Ni abe. Ni Umwami w'abazima n'abapfuye (ku byerekeye umugabane tuzaragwa, ATARI isano). Kandi Agendera hagati muri uwo mubiri ufite muri wo ubugingo n'urupfu.

Icyatewe mu gisekuru cya mbere kirahamagarirwa gukura mu gisekuru cya kabiri, no mu bindi bisekuru byose, kugeza aho kigereye mu gihe cyo kwera kugira ngo gisarurwe. Ku bw'ibyo dutegereje kubona mu gisekuru cya Simuruna uguhishurirwa guturutse ku Mwuka, gutanga inyongera y'umucyo n'igitekerezo cyagutse ku mateka y'umubiri w'Itorero.

Muri icyo gisekuru, urwango rw'umuzabibu w'ikinyoma rurakura rukiyongera. Murabona, witandukaniye (ku murongo wa 9) n'ab'umuzabibu w'ukuri. Basohotse muri bo. Bari abanyabinyoma. Biyitaga icyo batari cyo. Ariko se Imana yarabarimbuye? Oya. "Nimubareke, kandi yombi uko ari ibiri izageze igihe k'isarurwa.

"Ariko, Mwami, ni ngombwa kubarimbura, kuko barimbura ubwoko bwawe. Barabica."

"Oya, bareke. Ariko umugen'i wange, ndamubwira nti: 'Uzakiranuke ugeze ku gupfa. Urusheho kunkunda."

Turiga dukoresheje amagambo adafite gushidikanywaho na mba ko uyu muzabibu w'ikinyoma ari

umuzabibu wa Satani. Baterana ku bwe (Satani). Baterana mu Izina ry'Imana, kandi bakabeshya bavuga ko ari aba Kristo. Barabwiriza, barigisha, barabatiza, bararamya, bakaboneka mu mihango myinshi Kristo yahaye Itorero, kandi nyamara atari ab'Imana. Ariko, kuko bavuga ko ari bo, Imana ibibabaraho, kandi muri buri gisekuru, Iba Ivuga kuri bo kandi ari bo Ibwira.

Icyo ni cyo kitwibutsa rwose Balamu. Yari afite umurimo w'umuhanuzi. Yari ari uburyo bwo kwegera Imana ku buryo butunganye, ibyo yabigaragaje atamba ibitambo bw'inyamaswa zitanduye. Ariko kandi nyamara ntiyari UMUHANUZI nyakuri W'IJAMBO ; ku bw'ibyo igehe Imana yamubwiraga ngo ntage guha icyubahiro Balaki ku bwo kuhaboneka kwe, we yashatse uko yajyayo uko biri kose, ku bw'inyota y'ubutunzi n'icyubahiro. Ku bw'ibyo Imana yaramuretse ajyayo. Ubushake bwuzuye bw'Imana bwasimbujwe ubushake bwa kimuntu Imana yemeye ko bubaho, bitewe na: "irari ryo mu mutima" Balamu yari afite. Imana rwose yaramubwiye iti : "Ngaho genda." Ese Imana yari yahinduye igitekerezo cyayo ? Oya mugenzi. Imana yajyaga kugera ku ntego zayo, uko biri kose Balamu yajyaga kujujyayo. Balamu nta bwo yakuyeho ubushake bw'Imana. Ibyo ari byo byose Imana yajyaga kugera ku migambi yayo. Balamu ni we wari ugiye kubihomberamo, kubera ko ntiyitaye ku Ijambo.

Kandi neza neza ni byo tubona uyu munsi: abagore babwiriza, idini, inyigisho z'ibinyoma n'ibindi n'ibindi, kandi abantu basenga Imana, bafite ukwigaragaza k'Umwuka kandi bagakomeza nka Balamu, bavuga ko Imana yavuganye na bo, ndetse n'igihe inshingano bahawe ihabanye n'Ijambo ryahishuwe. Simvuze ko Imana itavuganye na bo. Gusa, ni nk'uko Imana yari yavuganye na Balamu ubwa kabiri. Yari izi ko Balamu ashaka ibyo yari ararikiye mu mutima we kurusha Ijambo, kandi yarabimwemereye, ishaka kugera uko biri kose ku migambi YAYO. Uyu munsi na none, Imana iha abantu uburenganzira bashaka gukurikira ibyo bifuza mu mutima wabo kubera ko bamaze kureka Ijambo. ARIKO UKO BYAGENDA KOSE UBUSHAKE BW'IMANA BUZASOHORA. Amina. Nizeye ko mubibona. Ibyo bizadufasha gusobanukirwa ibantu byinshi byabayeho mu gihe k'ibisekuru, ariko ibyo bizaba ingirakamaro cyane ku birebana n'igisekuru cyacu cya nyuma, aho tubona ukwigaragaza kwinshi ndetse n'imigisha y'inyuma igaragara, mu gihe iki gihe kirwanya bidasubirwaho "Ubushake bw'Imana bwahishuwe n'Ijambo".

Niba harigeze kubaho igisekuru cyahawe ubutumwa bukomeye kandi busobanutse neza, rwose ni iki gisekuru. Byari, kandi na na n'uyu munsi, ni uku kuri ko mu Isezerano rya kera kugira kuti: "Umwana w'umuja w'inshoreke azababaza umwana w'umugore w'isezerano kugeza igehe umwana w'umuja w'inshoreke yirukanywe." Aho, tubona ko urwango no gutuka Imana kwa Satani arwanya abakristo b'ukuri bizagaragazwa n'itsinda ry'abakristo b'ibinyoma, abakristo ku izina, kandi ibyo bintu bizakomeza kwiyyongera kugeza igehe Imana iranduriye umuzabibu w'ikinyoma ku iherezo ry'igisekuru cya Lawodikiya.

IGISEKURU CYA GATATU KIDUHISHURIRA, KU BW'UMWUKA W'UBUHANUZI, KO ITORERO RY'ISI RYARI RIGIYE KUYOBOKA UBUNIKOLAYITI NK'INYIGISHO. INTERA HAGATI Y'ABAKURIYE INZEZO Z'ITORERO N'ABALAYIKI BASANZWE YAKOMEJE KUGENDA IBA NINI UHEREYE IGIHE CY'UKURI KWA BIBILIYA KUVUGA KO ABASAZA B'ITORERO (ABASHUMBA B'INTAMA B'ITORERO RY'AKARERE) BAYOBORAGA UMUKUMBI BIFASHISHIJE IJAMBO, IBYO BIZA GUHINDUKA "IMIRIMO Y'ABANIKOLAYITI", NI UKUVUGA KO ABAKURU B'ITORERO BASHYIRAGAHO INZEZO NYINSHI ZISUMBANA Z'UBUYOBOZI, IBANTU BIHABANCHE N'IJAMBO KANDI HANYUMA BIKOMEZA GUKURA BIGANISHA KU MURIMO W'UBUHUZA WASHYIRAGA ABAYOBOZI B'ITORERO MU NZEGO ZINYURANYE HAGATI Y'ABANTU N'IMANA BIGAHA UBURENGANZIRA BUMWE NA BUMWE ABAKURU B'ITORERO, BIKAVUTSA ABALAYIKI BASANZWE UBURENGANZIRA IMANA IBABA. KWARI UKWIGWIZAHO UBUBASHA BIKANYIZA. MURI ICYI GISEKURU, BYAHINDUTSE NYIGISHO. BASHYIZE IYO NYIGISHO MU ITORERO, BAKAYIGISHA NK'IJAMBO RYATURUTSE KU MANA RY'UKURU, IBITARI KO BIDASUBIRWaho. NYAMARA ABAKURU B'ITORERO BAVUGAGA KO RYARI IJAMBO RY'IMANA; KU BW'IBYO, RERO IYO NYIGISHO YARI IYA ANTIKRISTO.

Nk'uko ubuyobozi bw'abantu nta kindi buri cyo uretse Politiki, Itorero ryaje kwisanga ryarivanze na politiki. Urwo rvange rwaje guhabwa inkunga y'umwami w'umunyagitugu waje guhuza neza Politiki y'itorero na Politiki ya Leta nuko ategeka ko itorero ry'ikinyoma (Idini ry'ikinyoma rya Satani) rifatwa nk'idini ry'ukuri. Ku bw'ibyo, turabona ko mu mategeko - teka menshi yatangajwe n'abami batandukanye, ko Itorero ry'ikinyoma, noneho ryari rifite imbaraga za leta, ryakazaga umurego kugira ngo ririmburu umuzabibu w'ukuri.

Ikipabaje ni uko umuzabibu w'ukuri wose uko wakabaye utari ufite ubudahangarwa bwo kutagerwaho no kwakira iyo nyigisho. Aho sinhatse kuvuga ko umuzabibu w'ukuri waba utarigeze na rimwe ushyiraho ibitekerezo nk'inyigisho y'abanikolayiti. Si byo nashatse kuvuga. Ahubwo iyo monyo nto y'urupfu yamungaga ubudatuza umuzabibu w'ukuri, ifite ibyiringiro byo kuwutembagaza ukagua. Ndets'e n'imbere mu itorero ry'ukuri, abantu Imana yari yarahamagariye kuba abarinzi b'itorero bahaga urwo rwego insobanuro isa n'iruta insobanuro isanzwe y'inshingano y'akarere. Icyo gihe mu Itorero ntihari hakiri imyumvire isobanutse neza yari ifitwe na Pawulo. Ku bw'ibyo Pawulo yaravugaga ati: "Nuko ibyo Bigatuma bahimbaza Imana ku bwange". (Abagalatiya 1 :24).

Hatabaye kwita ku butware Pawulo yari afite uko bungana, Pawulo igehe cyose yasunikiraga abantu ku guhangamasa ku Mana, Yo ikomokwaho n'ubutware bwose. Abakuru b'itorero, bo bafataga igehe cyose ubuyoborwa bw'Imana BAKONGERAHO UBUYOBOZI BWA KIMUNTU. Ku bw'ibyo, bagaha icyubahiro utagikwiye, turabona ko itorero ry'ukuri ryo ryanambye ku budahemuka bushingiye ku gacyiro.

Igihe bashyizeho ubunikolayiti, gahunda yo kugenda bishyira mu kimbo k'intumwa, ababwirizabutumwa bashyirwaho n'abayobozi bakuru babagenzura, abushumba bashyirwaho binyuze mu matora, n'ibindi n'ibindi, Itorero nta yindi ntambwe ryari rigifite gutera usibye iyo guhinguka mu nyigisho ya Balamu. Intambwe ya kabiri igenda iganisha mu "burebure bwa Satani" noneho yari yatewe.

Intambwe ya kabiri yari inyigisho ya Balamu (zivugwa mu Byahishuwe 2:14), ari yo Balamu yakoresheje yigisha Balaki gushyira igisitaza imbera y'abana ba Isirayeli akoresheje « guhurira hamwe bose. » Aho, abatumiwe bari bagiye gukora na none ibintu bibiri bihabanye n'Ijambo. Muribuka ko Balaki yari akeneye ubufasha kugira ngo arinde ubwami bwe budahungabana. Yabwiye umuntu w'umunyamwuka kurusha abandi muri icyo gihe, Balamu. Balamu yamugiriye inama yagushije mu mutego Isirayeli kandi byayishoye mu kurimbuka. Mbere, byari, ukubasaba ngo bateranire hamwe bose kugira ngo bagire ibyo bajyaho impaka, kugira ngo basangirire hamwe, kandi bakemure ibyo batavugaho rumwe. Birumvikana, ubwumvikane hagati yabo bushobora gukemura byinshi. Igihe ibyo twabigeraho, twaba dufite urufatiro rwiza kugira ngo dukomeze.

Intambwe ikurikiraho, yaba iyo gusengera hamwe—ni byo rwose, mu gusa n'utsindagira, muri rusange uwatumiyе gutuma abatumiwe bajya kure cyane ku buryo batari babiteganyije mbere. Kandi nta bwo ari ibyabaye ku Itorero ryo mu Isezerano rya Kera gusa, ahubwo na none ibyo byabaye no ku Itorero ryo mu Isezerano Rishya. Ku bw'ibyo, habayeho umwami, kimwe nka Balaki, wari ukeneye ubufasha kugira ngo akomeze ingoma ye. Ku bw'ibyo Constantin yatumiyе Itorero rya gikristo ku izina, Itorero rya Mbere rya gikristu ry'i Roma, kugira ngo rimufashe kwigarurira abakristo, bari bagize itsinda rikomeye cyane. Icyaje kuvamo ni Inama y'i Nikeya (Nicee) yo muri 325. Abakristu b'ukuri n'abakristu ku izina bateranirayo, batumiwe na Constantin. Abakristo b'ukuri ntibakagombye kuba baragiye muri iyo nama.

Urebye ibintu Constantin yari yabashije gukora byose kugira ngo abumvishe ko bateranira hamwe bose, abizera nyakuri bari bazi ko batari bari mu mwanya wabo, kandi barigendeye. Ariko ku basigaye, Constantin abaha uburenganzira ku mutungo wa leta, n'ububasha mu bya politiki no ku bintu by'umubiri bifatika. Bigisha abantu gusenga ibigirwamana no kwambaza imyuka; ku bw'ibyo, bagashyira mu nyubako ibishushanyo bifite amazina y'abatagatifu, kandi bakigisha abantu kugirana ubumwe n'abapfuye, no gusenga abatagatifu, ibyo nta kindi biri cyo usibye gusa kwambaza imyuka. Mu mwanya w'ibyo kurya nyakuri bikwiriye umuntu, Ijambo ry'Imana, bakabaha inyigisho z'abantu, amahame n'imihango, na none bitegetswe na Leta, kandi ku bwo gusoza byose babaremera imana eshatu bahereye ku Izina ry'Imana nzima rigabanijemo ibice bitatu, kandi umubatizo wo mu Izina rya Yesu Kristo usimbuzwa umubatizo wa gipagani wo mu mazina y'imirimo itatu Imana yakoze.

Abizera b'ukuri ntibakagomye kuba baragiye. Bari baramaze gutakaza ib'yukuri byinshi; kandi noneho, bari bagiye na bo gutakaza ugusobanukirwa Ubumana kandi bakareka kubatiza mu Mazina kugira ngo babatize mu mazina y'imirimo Imana yakoze.

Ariko musuzume neza iyi nyigisho ya Balamu. Maze murebe mbere ya byose ko ari ibintu by'uburiganya byapanzwe n'abayobozi b'itorero bayobejwe bakagwa babigendereye, bagamije kubohera abantu kuri bo, bagashora abantu mu cyaha cyo kutizera ku bushake. Inyigisho y'abanikolayiti, yari uburiganya bw'abayobozi b'itorero, bashakaga kwishyiriraho ububasha bwa politiki, mu gihe inyigisho ya Balamu yari uburyo bwo gushyira abantu munsi y'imikorere yabo ya kidini ishingiye ku nyigisho z'abantu n'umuhango wo gusenga kugira ngo bakomeze kugira ububasha kuri bo.

Ariko mwitegerezne neza: ese ni iki cyahambiriye abantu ku Itorero ryo ku izina, kandi akaba ari na cyo ndetse cyabarimbuye? Byari inyigisho z'abantu n'amahame, ibyo ni byo bari baragize amahame ngenderwaho y'itorero. Yari inyigisho ya kiliziya gatolika y'i Roma. Nta bwo babahaga ibyo kurya nyakuri, Ijambo. Ibyo kurya babahaga, ni ibyakomokaga ku muhango wo kuramya ibigirwamana: ubupagani bwakomotse i Babuloni bwikingiriza amagambo ya gikristu. Kandi hari uwo mwuka n'iyo nyigisho mu baporotesitanti bose; bawita IDINI.

Ubunikolayiti ni imikorere ya kidini yo gushyiraho inzego mu itorero, ni ugushyira itorero mu biganza by'umuntu akariyobora, kandi ku bw'ibyo Umwuka agashyirwa ku ruhande. Imyizerere ishingiye ku mwuka wa Balamu, ni imikorere ya kidini, isimbuza Bibiliya igitabo runaka kifashishwa n'itorero. Kandi kugeza uyu munsi, abana b'Imana benshi bakomeje gufatwa bugwate mu mutego w'imikorere ya kidini, kandi Imana irabahamagara n'ijwi rirenga iti: "Nimuwusohokemo kugira ngo mwe gufatanya n'ibyaha byawo, mwe guhabwa no ku byago byawo.»

Murareba, nta bwo babizi. Ariko niba izamurwa ribayeho nonaha ubu, ukutamenya ntikwabasha kuba na rimwe impamvu yo kuririrwa ku rubanza Imana Yacira abari mu ruhande rubi.

Kuba abayobozi b'itorere bari mu nzego zisumbana, bagakurirwa n'umuyobozi mukuru, ni uburyo bwo kugaragaza umwuka wa antikristo, nubwo, mu buryo bugaragara, ari ibintu byiza bitangaje kandi bya ngombwa. Rwose ni ugushyira igitekerezo cya kimuntu mu mwanya w'Ijambo. Kandi umuntu wese uri mu idini rifite inzego aba ari mu mikorere ya antikristo rwagati. Ariko ngomba kuvuga ibi kandi ndifuza ko byumvikana neza: NTA BWO NDWANYA ABANTU, NDWANYA IMIKORERE YA KIDINI.

Igihe Itorero ribaye umwe na Leta, ikintu kiba kigiye gukurikiraho ni igisekuru cy'umwijima. Ku bw'ibyo, guhera icyo gihe Itorero rizakomeza kwijandika rirohame mu burebure bw'umwijima, rimenye uburebure bwa Satani. Igihe abanyamadini bahisemo kuyoboka inyigisho y'abanikolayiti hamwe n'inyigisho ya Balamu, kandi bakanagira ubushobozi mu by'ubutunzi bw'amafaranga, ububasha mu bya politiki ndetse n'imbaraga z'ibantu bifatika kugira ngo bibashygikire, icyo gihe haba hari ikerekezo kimwe gusa babasha kwerekezamo. Icyo kerekezo, ni igitita kiberekeza mu nyigisho ya Yezebeli.

Kubera iki tuvuze ibyo? Ni uko, nk'uko twabigaragaje mu nyigisho yacu y'igisekuru cya kane, Yezebeli yari umunyasadonikazi, umukobwa wa Etibali, umutambyi mukuru wa Ashitoreti. Etibali yari umwicanyi. Uyu mugore arongorwa na Ahabu (umwami wa Isirayeli) ku bw'impamvu z'ubwumvikane mu bya politiki. Hanyuma yigarurira ububasha mu by'idini ku bwoko, yicisha Abalewi, hanyuma yubakisha ingoro aho yakururira abantu kuza kuramya Ashitoreti (Venusi) na Bayari (ikigirwamana - zuba). Ni we washyiragaho inyigisho kandi agategeka ko zigishwa n'abakuru b'idini be yitoranirije na bo bagasunikira abantu kuzemera. Aho murabona neza neza icyo Itorero ku izina ryari cyo mu gisekuru cy'umwijima.

Icyo gihe bari bararetse ibyerekeye Ijambo ry'Imana byose, uretse amazina n'amazina y'imrimo y'Ubumana hamwe n'amahame amwe n'amwe ya Bibiliya. Ibyo bari bagifite byo muri Bibiliya, barabigorekaga bagahindura insobanuro zabyo. Amakoraniro yabo y'abepisikopi, n'abandi, bandika inyandiko ndende bumvikanyeho, abapapa babo bavuga ko bo ari ntakibisoba kandi bakavuga ko bahabwaga uguhishurirwa guturutse ku Mana, kandi bakavugana n'abantu nk'Imana ubwayo. Ibyo byose byari byarigishijwe n'abayobozi b'idini, bizezaga abantu ibyo ku bw'iterabwoba. Kwizeria ikindi byasobanuraga urupfu cyangwa gucibwa, ibyo byashoboraga kuba bibi cyane kuruta urupfu.

Rwose ryari itorero rifite ijwi ryuje ijabo ryari ryarafashe ubuyobozi, kandi, risinze imbaraga, ryanyoye amaraso y'abahowe Imana kugeza ubwo abakristo b'ukuri bari bagiye gushira, kandi bisa n'aho nta kintu na kimwe cyari kigisigaye ku byerekeye Ijambo n'ukwigaragaza k'Umwuka Wera kwari guke cyane. Ariko umuzabibu w'ukuri urahatana, kugeza ubwo ubashije kubaho. Imana yari iyo kwizerwa ku mukumbi muto, nubwo Roma yari yabashije kubabaza imibiru yabo, Roma ntiyashoboraga kwica Umwuka wari uri muri bo, nuko umucyo w'ukuri ukomeza kumurika, ushyigikiwe n'Umwuka Wera n'imbaraga.

Ntibyari bikwiye ko aha munanirwa kubona iki kintu gikomeye kandi cyuje inyigisho. Murebe: imrimo n'inyigisho by'Abanikolayiti, inyigisho ya Balamu hamwe n'inyigisho y'umuhanuzikazi w'ibinyoma Yezebeli nta bwo ari imyuka itatu cyangwa se amahame atatu mu by'umwuka. Gusa ni ukwigaragaza gutatu k'Umwuka umwe, ugenda ukagera ku burebure bushya. Gusa ni umwuka w'antikristo w'idini mu ntambwe za wo zinyuranye. Abakuru b'itorero, nyuma yo kwitandukanya na rubanda rusanzwe no gukora idini ry'inezgo, bakandamiza rubanda baruhatira kujya mu idini ryabo kugira ngo bari baboheremo. Iryo dini ryari ryubatse ku nyigisho z'abantu n'amahame bigishaga abantu mu mwanya w'Ijambo ritavangiye ry'Imana. Imigenzo n'imihango birushaho gufata umwanya w'ingenzi mu iteraniro, kandi bidatinze imikorere yose ihinduka imbaraga za Satani kandi zifite ishyaka zakoraga ibishoboka byose ngo ziyobore buri wese zikoresheje amagambo y'ubwenge cyangwa imbaraga z'umubiri. Iyo mikorere yakuraga imbaraga zayo mu buhanuzi bwayo bw'ibinyoma, nta bwo ari mu Ijambo ry'Imana. Yari yahindutse Antikristo bidasubirwaho, nubwo yigaragazaga mu Izina rya Kristo.

Nyuma y'igihe kirekire cy'ubwihebe nta byiringiro aho ukuri kwasaga n'ugutsinzwe n'urupfu ku buryo budashidikanywaho, abantu basoza bahagurutse bagahakana barwanya ibantu by'urukozasoni byakorwaga na Kiliziya gatolika y'i Roma: rwose byari ibantu bitumvikana ko inyigisho nk'izo n'imyitwarire nk'iyio byaba bituruka ku Mana. Uko guhakana rimwe na rimwe kwirengagizwaga ku bushake cyangwa kukanigwa no kutakwitaho muri rusange, cyangwa rimwe na rimwe kukaburizwamo na Roma. Ariko, umunsi umwe, mu buntu bwayo yigengaho, Imana yohereza intumwa izwi ku izina rya Martin Luther kugira ngo atangize ubugorozi. Akora mu gihe Kiliziya gatorika y'i Roma yari yarigaruriye bensi ku buryo rwose yari hafi rwose kwimanika ku bw'ibyo. Kubw'ibyo, mu gihe Luteri abwiriza ugutsindishirizwa ku bw'ukwizera, umuzabibu w'ukuri ugira ugukura mu buryo budasanzwe, ibantu bitegeze bigaragara mu binyejana byinshi byashize.

Itorero ku izina, ubwa mbere ryari ryarakoresheje ugushygikirwa n'imbaraga za politiki, ryari ritangiye kugabwaho ibitero bigabwa n'ubwo bubasha bwa politiki. Aho ni ho Luteri yakoreye ikosa rye kandi ni ho n'abizera by'ukuri bakoreye ikosa ryabo. Bemera inkunga y'amafaranga yatanzwe na Leta. Ku bw'ibyo, icyo gisekuru nta bwo cyateye imbere cyane mu Ijambo. Birumvikana gitera imbere, Imana ibishimirwe, ariko kuko cyari kishingikirije cyane ku mbaraga za politiki, gisoza gihindutse idini, kandi itsinda ndetse ryo mu gihe cya Luteri, ryari ryaritandukanje n'umuzabibu w'ikinyoma, ryari ryahindutse noneho umukobwa wa Maraya, mu kugaruka mu bunikolayiti no ku nyigisho ya Balamu.

Icyo gihe habaho ugucikamo ibice kwinshi, birahagije ko wabisoma mu mateka uburyo batotezanyaga hagati yabo, kandi rimwe na rimwe baricanaga, kugira ngo murebe uburyo bari bari kure cyane y'imbuto nyakuri. Ariko muri bo hari hakiraho amazina make, nk'uko bimeze mu bisekuru byose.

Ngiyi ingingo yacu imwe rukumbi idutera umunezero ku bw'icyo gisekuru: ubugorozi bwari

bwatangijwe. Nta bwo byari ukuzuka, ahubwo byari ubugorozi. Nta nubwo byari ukugarurirwa. Gusa imbuto y'ingano yari yarapfuye i Nicee hanyuma ikaza kubora mu gisekuru cy'umwijima noneho yari yazamuye umumere w'ukuri, ari cyo kimenyetso cy'uko umunsi umwe, ku iherezo ry'igisekuru cya Lawodikiya, rwose mbere yuko Yesu agaruka, Itorero ryajyaga kuzahinduka Umugeni- Mbuto y'Ingano, mu gihe urukungu rwo rwajyaga kuzasarurwa kandi rugatwikwa mu nyanja yaka umuriro.

Igisekuru cya gatanu kuba cyarakwirakwije Ijambo kifashishije uburyo bw'icapiro ku buryo bwagutse cyan, igisekuru cya gatandatu cyo cyahise kibyungukiramo. Iki gisekuru cyaranzwe n'igice cya kabiri cyo kugarurirwa, kandi nk'uko twabivuze mbere, cyari igisekuru cy'uruti rw'ingano. Ubumenyi bwari bukataje. Cyari igisekuru cy'abantu b'abahanga mu bumenyi bakundaga Imana kandi barayikoreraga. Abamisiyoneri bari benshi cyan, kandi Ijambo ryarakwirakwizwaga mu isi yose. Cyari igisekuru cy'urukundo rwa bene Data. Cyari igisekuru cy'urugi rukinguye. Ni cyo gisekuru cya nyuma kirekire; igisekuru cya Laodikiya cyari kigiye gukurikiraho cyajyaga kuzaba igisekuru kigufi.

Muri iki gisekuru umuzabibu w'ukuri utera imbere ku buryo butagereranywa, dufashe umubare w'abari bawuhagarariye ku rwego rw'akarere n'ahandi. Iki gisekuru cyagize abantu bakiranuka bageze mu mirimo ikomeye. Umuzabibu w'ukuri wakomezaga kwiyongera, kandi wagendaga ugabanuka. Ahantu hose umuzabibu w'ukuri wajyaga, Imana yazanaga umucyo, ubugingo ndetse n'umunezero. Kamere nyakuri y'umuzabibu w'ikinyoma yari yahishuwe: umwijima, akaga, ubukene, ukutamenya n'urupfu. Kimwe n'umuzabibu w'ikinyoma mu bihe wari ufite imbaraga, ntiwashoboye kwica umuzabibu w'ukuri, ndetse n'umuzabibu w'ukuri ntiwashoboye kugarura umuzabibu w'ikinyoma kuri Yesu Kristo. Ahubwo umuzabibu w'ikinyoma wakomeje kwinangira, utegereje igihe igisekuru cya nyuma cyajyaga kuzagera ku iherezo, igihe wajyaga kuzigarurira byose, uretse uwo mukumbi muto ari wo muzabibu w'ukuri watoranijwe n'Imana.

Ariko ukuntu iki gisekuru kidutera kuzura umubabaro, mu gihe tubona ko ububyutse bukomeye bwose bwaturutse ku Mana (kandi bwabayeho bwinshi) butahaye agaciro ukwibohora inyigisho y'abanikolayiti; ku bw'ibyo, bose bashyizeho inzego mu Itorero bahinduka idini, kandi barapfuye. Icyo gihe bigiriye mu madini, kugira ngo bagumishe abantu bapfuye mu buryo bw'umwuka mu nzuri z'ubutayu zitagira ubwatsi. Ayo matsinda yose yari ahuriye ku ikosa rimwe, nta cyo abizaho kandi, umuriro w'ububyutse warangiye, ugushyiraho inzego byafataga indi ntera kandi abantu bahindukaga amadini. Bari abakritso ku izina gusa, nubwo buri tsinda ryavuganaga ijabo ryinshi ko Kilizya gatolika y'i Roma ari bo bari bari mu kuri, ko andi yose yari ari mu ikosa. Nta gushidikanya, byose byari byashyizwe mu mwanya kugira ngo, mu gisekuru cya nyuma, abakobwa basubire mu rugo iwabo, mu gikondorero cya Roma, munsi y'amababa y'inkoko nyina ibabyara.

Ku bw'ibyo tugeze mu gisekuru cya nyuma: igisekuru cya Lawodikiya. Ni cyo gisekuru turimo. Tuzi ko iki gisekuru ari cyo cya nyuma, kuko Abayuda barimo kugaruka muri Palesitina. Tutitaye ku bintu byabayeho byatumye bajyayo, bariyo. Kandi iki ni igihe k'isarura. Ariko mbere yuko babasha gusarura, ni ngombwa ko ibisarurwa biba byeze neza. Ni ngombwa ko imizabibu ibiri yera ikagera igihe k'isarura.

Igisekuru cya Luther, cyari urugaryi. Igisekuru cya Wesley cyari impeshyi, cyari igihe cyo gukura. Igisekuru cya Lawodikiya, ni igihe k'isarura, igihe urukungu rusarurwa kugira ngo ruhambirwe kandi rutwikwe, maze ingano ihunikwe mu kigega ibikiwe Umwami.

Igihe k'isarura. Ese mwitegeree ko mu gihe k'isarura, nubwo ukwera kuba kwihuta ku buryo bugaragara, ni na ko uguvara kuba kugenda buhoro cyan, kugeza ubwo kurekeye aho burundi? None se si byo tubona neza neza ubu? Umuzabibu w'ikinyoma ugenda utakaza abayoboke benshi bakayoboka ubukominisiti n'ubundi bwoko bunyuranye bw'imyizerere. Nta bwo wiyyongera mu mibare nk'uko washakaga kubyizeza abantu. Nta bwo ugifite ubwo bubasha wari ufite ku bantu nka mbere, akensi, bajya mu rusengero gusa nk'umuuhango.

Naho umuzabibu w'ukuri wo? Uhinduka iki? Ese urakura? Bageze hehe abantu ikivunge bakomeza kuza mu biterane by'ububyutse kandi, kandi bakemera kuza ku gicaniro iyo ubahamagaye? Umubare munini abo bantu ntibaza gusa ku bw'amarangamutima yabo cyangwa kubera ko bifusa ikintu runaka cy'umubiri gifatika aho kwifuza by'ukuri ikintu cy'Umwuka? Ese iki gisekuru ntikimeze nk'igihe Nowa yinjiye mu nkuge, igihe urugi rwakinzwwe, ariko aho Imana yarongeye itegereza iminsi irindwi mbere y'urubanza? Muri icyo gine k'ituze, nta muntu n'umwe wahindukiriye Imana.

Kandi nyamara, ni igihe k'isarura. Ku bw'ibyo ni muri iki gisekuru hagomba kugaragara abazatuma ingano n'urukugu byera bikagera mu gihe k'isarura. Urukungu ubu rurimo kwera vubana vuba bitewe n'abigisha bayobejwe bakagwa, bakura abantu ku Ijambo. Ariko ingano na yo igomba kwera, na yo. None, Imana yohereza Intumwa y'Umuhanuzi, ifite ubukozi buhamirijwe kugira ngo intore zimwemere. Bazamwumva, nk'uko Itorero rya mbere ryumvise Pawulo, kandi uwo muzabibu userera mu Ijambo kugeza ubwo uhinduka Umugeni - Jambo muri we hazaboneka imirimo ikomeye ihererekeza igihe cyose Ijambo ndetse n'ukwizera kuzuye kutavangije.

Amatsinda agize Itorero ry'ikinyoma azihuriza hamwe mu Nama mpuzamatorero. Iyo Nama

mpuzamatorero ni cyo GISHUSHANYO K'INYAMASWA CYAREMWE.

Ibyahishuwe 13:11-18:

"Nuko mbona indi nyamaswa izamuka iva mu butaka. Iyo yo yari ifite amahembe abiri nk'ay'Umwana w'Intama, ivuga nk'ikiyoka.

Itegekesha ububasha bwose bwa ya nyamaswa ya mbere mu maso yayo, ihata isi n'abayirimo ngo baramye ya nyamaswa ya mbere yakize uruguma rwayishe,

kandi ikora ibimenyetso bikomeye, imanura umuriro uva mu ijuru ugwa mu isi mu maso y'abantu.

Iyobesha abari mu isi ibyo bimenyetso yahawe gukorera imbere ya ya nyamaswa, ibabwira kurema igishushanyo cya ya nyamaswa yari ikomerekejwe n'inkota ikabaho.

Ihabwa guha icyo gishushanyo k'inyamaswa guhumeka ngo kivuge kandi kicishe abatakiramya bose.

Itera bose aboroheje n'abakomeye, n'abatunzi, n'abakene, n'ab'umudendezo n'ab'imbata, gushyirwaho ikimenyetso ku kiganza k'iburyo cyangwa mu ruhanga,

kugira ngo hatagira umuntu wemererwa kugura cyangwa gutunda, keretse afite icyo kimenyetso cyangwa izina rya ya nyamaswa, cyangwa umubare w'izina ryayo.

Aha ni ho ubwenge buri: ufite ubwenge abare umubare w'iyo nyamaswa kuko ari umubare w'umuntu, kandi umubare we ni magana atandatu na mirongo itandatu n'itandatu."

Ariko mwibuke, ni Ubwami bwa Roma ya gipagani yakomerejwe uruguma n'inkota. Ariko yakize uruguma rwayo rwica igitanya n'Itorero rya gikristo ku izina ry'i Roma kandi ryavanzé ubukristu n'ubupagani, ku bw'ibyo buhinduka Ubwani Butagatifu bwa Roma, ari na bwo bugomba gukomeza bukabaho kugeza igitanya Yesu azazira akaburimbura. Ariko Roma ntijayo yonyine. Abakobwa bayo bari kumwe na yo, kandi izagira ubutware butavuguruzwa ikoreshje Inama mpuzamatorero.

Ibi bishoboka ko byagora bamwe kubyumva, ariko mu bigaragara, buri wese ashobora kubibona neza ku buryo bugaragara, kubera ko noneho ubu, Amatorero afite uruhare rukomeye muri politiki kandi mu gihe cyagenwe azerekana imbaraga zayo afite ku bantu. Iyo mpuzamadini izasoza iyobowe na Roma, nubwo atari byo abantu bari barateganyije mbere. Ni ko biri, kuko, mu Byahishuwe 17:3-6, havuga ko maraya, Babuloni y'Ubwiru, yicaye ku nyamaswa. Agenzura ubwami bwa nyuma, bwa kane. Ni itorero rya Roma ribikora. Ishyira munsi y'ubuyobozi bwayo impuzamatorero y'isi, Roma ni yo izaba ifite ubuyobozi, kandi icyo gishushanyo (impuzamatorero) kizumvira Roma, kubera ko ari Roma igenzura zahabu y'isi.

Ku bw'ibyo, buri wese agomba kuzaba ari muri iyo mpuzamatorero y'isi, cyangwa yisange yambuwe byose kuko ntibazabasha kugura cyangwa kugurisha badafite ikimenyetso k'inyamaswa ku kiganza cyangwa mu ruhanga. Icyo kimenyetso mu ruhanga gisobanura ko bagomba kuzayoboka inyigisho y'impuzamatorero, ari yo y'ubutatu, n'ibindi. Kandi ikimenyetso ku kiganza bisobanura ko bagomba kuzakora ibyo Itorero ry'isi rishaka.

Hamwe n'izo mbaraga zose, impuzamatorero izatoteza umugenii nyakuri. Icyo gishushanyo kizagerageza kubiza umugenii kubwiriza, kwigisha, n'ibindi n'ibindi. Abavugabutumwa baryo bazisanga babujijwe kubwiriza abantu ubutumwa bukomeza imitima n'ukuri ku bantu babikeneye. Ariko mbere yuko antikristo (we ubwe) afata ubuyobozi bw'impuzamatorero yose ku isi, Itorero nyakuri rizazamurwa rikurwe muri iyi si, kandi rizabana n'Umwami. Imana izazamura umugenii wayo imuhyane mu Birori bihebuje by'Ubukwe bw'Umwana w'Intama.

Kugira ngo tugaruke ku ntego y'ibirebana n'iki gice cya nyuma, ari yo yo gukurikira Amatorero abiri, n'imyuka ibiri, uhereye kuri Pantekoti ukageza ku iherezo ryayo, tuzasoza twerekana ibibaho mu gisekuru cya Lawodikiya.

Iki gisekuru cyatangiye mu ntangiriro y'ikinyejana cya makumyabiri. Kubera ko ari muri iki gisekuru Itorero nyakuri ryagombaga kongera guhinduka umugenii nk'uko ryari rimeze kuri Pantekoti, tuzi ko hagombaga kubaho byanje ukugarwa kw'imbaraga ikora imirimo. Ibi, abizera babibonye mu bitekerezo byabo, kandi batangiye gutakambira Imana, basaba ugupekwa gushya kw'imbaraga gusa n'uko mu kinyejana cya mbere.

Bizera ko babonye igisubizo cy'uko gutakamba igitanya abantu bensi batangiye kuvuga mu ndimi no kugaragaza impano z'umwuka. Bizera icyo gihe ko byari UKUGARURIRWA kwari gutegerejwe hashize igitanya kirekire. Si ko byari bimeze kuko imvura y'igihe cya nyuma y'itumba ibasha kuza gusa nyuma y'itumba y'igihe cya mbere y'umuhindo, ari yo y'INYIGISHO. Imvura y'igihe cya nyuma y'itumba, iza nyuma y'aho,

ni imvura y'ISARURA. Ni buryo ki ibi byajyaga gushobora kuba ikintu cy'ukuri, mu gihe imvura y'inyigisho yari itaraza? Intumwa-y'Umuhanuzi yagombaga koherezwa kugira ngo YIGISHE abantu no kugarura imitima y'abana ku ya base bo kuri Pantekote yari itaraza. Ku bw'ibyo, bihabanye n'ibyo batekerezaga, ukugarurirwa no kongera kugarurwamo ubugingo kwa nyuma ku bw'Izamurwa byari bitaraza.

Ahubwo byari uruvange, aho abakiranirwa bari bafite umugabane ku mugisha w'Umwuka no ku kwigaragaza k'Umwuka Wera, nk'uko tutahwemye kubibereka. Imbaraga z'amadayimoni na zo zari zibifitemo uruhare, kubera ko abantu bari bari munsi y'imikorere y'abadayimoni ku buryo nta n'umwe wabashaga kubimanya. Ikindi kandi, nk'igihama cy'uko bitari UKURI, abo bantu (mbere ndetse y'ukuza kw'igisekuru gikurikiyeho) bashyizeho inzego bahinduka idini, biyandikiye inyigisho zabo zihabanye n'ibyanditswe, kandi bazamuye bariyeri zabo bwite, kimwe n'andi matsinda yose yari yarababanjirije.

Nimwibuke, igihe Yesu yari ari ku isi, Yuda na we yari ahari. Buri wese yari yaraje akomotse ku mwuka utandukanye n'uw'undi, kandi no mu gupfa kwabo, buri wese muri bo yagiye ahe. Hanyuma Umwuka wa Kristo wagarutse ku itorero ry'ukuri kandi umwuka wa Yuda wagarutse ku itorero ry'ikinyoma. Ibyo tubisanga, mu Byahishuwe 6:2-8:

"Ngiye kubona mbona ifarashi y'umweru, kandi uyicayeho yari afite umuheto ahabwa ikamba, nuko agenda anesha kandi ngo ahore anesha.

Umwana w'intama amennye ikimenyetso cya kabiri, numva ikizima cya kabiri kivuga kiti : «Ngwino »

nuko haza indi farashi itukura cyane, uyicayeho ahabwa gukura amahoro mu isi ngo bicane, kandi ahabwa inkota ndende.

Umwana w'intama amennye ikimenyetso cya gatatu numva ikizima cya gatatu kivuga kiti: «Ngwino » nuko ngiye kubona mbona ifarashi y'umukara kandi uyicayeho yari afite urugero rw'indatira mu ntoki ze.

Numva hagati y'ibyo bizima bine igisa n'ijwi rivuga riti: «Urugero rumwe rw'ingano rugurwe idenariyo imwe, n'ingero eshatu za sayiri zigurwe idenariyo imwe, naho amavuta na vino ntugire icyo ubitwara.»

Umwana w'Intama amennye ikimenyetso cya kane numva ijwi ry'ikizima cya kane kivuga kiti : «Ngwino »

nuko ngiye kubona mbona ifarashi y'igitare igajutse, kandi uyicayeho yitwa rupfu, kandi kuzimu aramukurikira, nuko bahabwa ubutware bwa kimwe cya kane k'isi, ngo babicishe inkota n'inzara n'urupfu, n'ibikoko byo mu isi.»

Murabona uburyo uyu mwuka wa Yuda wagarutse nk'ugendera ku ifarashi y'umweru. Yari iumweru. Ijya gusa rwose n'iy'ukuri. Nk'uko Yuda yajyaga gusa na Yesu. Ahabwa ikamba (uwagenderaga ku ifarashi y'umweru) ni buryo ki? Uwo mwuka wari uri mu muyobozi mukuru w'imikorere y'abanikolayiti, yari Umupapa ufile amakamba atatu, yicaye nk'Imana mu rusengero rwe, yigaragaza nk'uhagarariye Kristo. Niba «uhagarariye Kristo» bishaka kuvuga ngo: «Mu mwanya wa Kristo», « Uri mu mwanya wa» cyangwa ngo «Uvuga mu kimbo k'Imana» icyo gihe rero papa yaba yarigaragazaga nk'Umwuka Wera, ari byo byatumaga ashayira ku ruhande Umwuka Wera, agakora mu mwanya We. Umwuka wa Yuda wari uri muri we ni wo wakoraga ibyo. Murabona uko yanesheje—agenda anesha kandi ngo ahore anesha. Kristo ntiyakoze ibyo. Abaje aho ari gusa ni abari baratoranijwe mbere na Data.

Kandi uwo mwuka warasakaye, ku buryo umunsi umwe uzagaragarira mu muntu by'ukuri uzayobora Impuzamatorero, nk'uko twabivuze. Kandi zahabu ye ni yo azifashisha (mwibuke ko Yuda ari we wacungaga umufuka w'impiya) ku buryo azategeka isi yose, kandi iyo mikorere ya antikristo izigarurira byose, kandi izagerageza kugenzura buri wese ku gitit ke. Ariko Yesu azagaruka abarimbure bose akoresheje umucyo wo kurabagirana ko Kuza Kwe. Kandi iherezo ryabo rizaba mu nyanja yaka umuriro.

Ariko imbuto y'ukuri ibyayo bimeze bite? Ibizayibaho ni ibyo twavuze neza neza. Ubwoko bw'Imana bwateguwe n'Ijambo ry'Ukuri ryatanzwe n'Intumwa y'iki gisekuru. Muri yo hazaba harimo umwuzuro wa Pentekoti, kuko Umwuka azagarura abantu neza neza aho bahoze ku ntangiriro. Ibi ni: "Uku ni ko Umwami avuze."

Ni "Uku ni ko Umwami avuze," kuko ari byo bivugwa muri Yoweli 2:23-26.

Noneho munezerwe bantu b'i Siyon mwe, mwishimire Uwiteka Imana yanyu kuko ibahaye imvura y'umuhindo ku rugero rukwiriye, kandi ibavubiye imvura, iy'umuhindo n'iy'itumba nk'ubwa mbere.

Imbuga zizadendezwaho ingano, kandi imivure izuzuzwa vino n'amavuta ya elayo, isesekare.

Nzabashumbusha imyaka inzige zariye, n'iyariwe n'uburima, n'ubuzikira na kagungu, za ngabo zange zikomeye nabateje.

Kandi muzarya muhimbaze Izina ry'Uwiteka Imana yanyu kuko yabakoreye ibitangaza, kandi ubwoko bwange ntibuzongera gukorwa n'isoni ukundi.

Hano havuzwe ko: "Imana izagarura byose." Igisekuru cyo Luther nticyagaruriye Itorero byose; cyatangije ubugorozi. Igisekuru cyo Wesley nticyagaruye byose. Igisekuru cyo Pantekote nticyagaruye byose. Ariko Imana igomba kugarura byose, kuko idashobora guhakana Ijambo ryayo. Nta bwo ari ukuzuka kw'Itorero; ahubwo ni "Ukugarurirwa." Imana izagarura Itorero neza neza kuri Pantekoti ya mbere y'umwimerere.

Nyamara, nimurebe ku murongo wa 25 havuzwe impamvu bidusaba kugarurirwa byose. Ni ibyo inzige, uburima, ubuzikira na kagungu byariye, uretse gusa umuzi n'agace gato k'uruti. Kandi batubwira ko utwo dukoko twose, mu by'ukuri, ari agakoko kamwe k'ubwoko bumwe, mu byiciro binyuranye by'ugukura kwako. Ni ko biri. Utwo dukoko ni umwuka wa antikristo, wigaragariza mu gushyiraho inzego, idini n'inyigisho y'ibinyoma, mu gihe cyose k'ibisekuru uko byagiye bikurikirana.

Kandi uwo muzi muto wo kubabarirwa n'urwo ruti bizagarurirwa. Imana ntizatera irindi Torero rishya, ahubwo izagarura icyo yari yarataye mbere k'imbuto y'umwimerere. Irabikora, nk'uko byavugwa ku murongo wa 23, ikoreshheje imvura y'inyigisho, cyangwa se imvura ya "igihe cya mbere y'umuhindo".

Hanyuma hazaza imvura y'isarura: ukwizera ko kuzamurwa. Kubw'ibyo turi mu gihe cyo gusohora kwa Matayo 24:24 uko yakabaye: "Ku buryo bayobia n'intore niba bishoboka". Kandi uwo ni nde uzagerageza kuyobia ndetse n'intore? Biragaragara, ni umwuka wa antikristo uri mu: "basizwe b'ibinyoma" bo kuri uyu munsi wa nyuma. Abo banyabinyoma bamaze kuza mu Izina rya Yesu, bavuga ko basizwe n'Imana ku bw'uyu munsi wa nyuma. Ni bamesiya b'ibinyoma (abasizwe). Bavuga ko ari abahanuzi. Ariko se bahuza n'Ijambo? Habe na mba. Baryongeyeho ikintu runaka cyangwa barigabanijeho ikintu runaka. Nta muntu n'umwe wahakana ko Umwuka w'Imana yigaragaza kuri bo ku bw'impano. Ariko, kimwe na Balamu, bose bafite zagahunda zabo, baka abantu amafaranga, bakagaragaza impano, ariko bagahakana Ijambo cyangwa bakarica iruhande, batinya ko hagira ikivuguruza ibyo bikabavutsa amahirwe yabo yo kubona indonke nyinshi.

Kandi nyamara, babwiriza agakiza no kubohoka ku bw'imbaraga y'Imana, kimwe na Yuda, wari ufite ubukozi yari yarahawe na Kristo. Ariko, kubera ko bakomoka ku mbuto mbi, icyo gihe bakoreshwa n'umwuka mubi. Wa kidini? Oh! Ra ra! Barusha intore umuhati n'ishyaka, ariko ni umwuka wa Lawodikiya, si uwa Kristo, kuko baba bashaka imbaga y'abantu, gahunda zihambaye n'ibimenyetso by'ibitangaza. Babwiriza Ukuza kwa kabiri kwa Yesu Kristo, ariko bagahakana ukuza kw'Intumwa-y'Umuhanuzi, nubwo abazimiza mu mbaraga, mu bimenyetso ndetse no mu guhishurirwa k'ukuri.

Yoo! Ni byo, uwo mwuka w'ikinyoma rwose ujya gusa cyane n'uw'ukuri kuri uyu munsi wa nyuma, ushobora kuwutahura gusa ku bw'uko ujya kure y'Ijambo. Kandi igihe uwutahuye ukagaragaza ko urwanya Ijambo, wisobanura witwaje ingingo twamaze kwerekana igaragaza ko bagiye kure ukavuga uti: "Dufite ibantu bikorwa bigaragara, oya? Nta kabuza natwe turi ab'Imana.

Mbere yo kwanzura, nashakaga kuvuga ibi. Twakomeje kuvuga ku Mpeke y'Imbuto y'ingano igwa mu butaka, hanyuma ikagaragaza utubabi tubiri tw'umumero, hanyuma ikazamura uruti ruzaho ihundo, hanyuna hakazaho ihundo nyirizina. Bamwe bashobora kwibaza niba ibyo twavugaga, ari uko abo mu gihe cyo Luther batari bafite Umwuka Wera kuko bibandaga gusa ku kwigisha ugutsindishirizwa. Abandi bakwibaza ibibazo ku bametodisite, n'ibindi. Oya mugenzi, nta bwo rwose ari ibyo dushaka kuvuga. Nta bwo tuvuga abantu ku giti cyabo cyangwa abantu ubwabo, ahubwo ni IGISEKURU.

Luther yari afite Umwuka w'Imana. Ariko igisekuru ke nticyari icyo kugarurirwa kuzuye kugaragazwa no gusukwa gushya kw'imbaraga gusa neza neza n'uko ku itangiriro. Ni cyo kimwe no kuri Wesley, Booth, Knox, Whitefield, Brainard, Jonathan Edwards, Muller, n'abandi. Nta gushidikanya, bari buzuye Umwuka Wera. Bidasubirwaho. Ariko igisekuru bari barimo nta bwo cyari icyo kugarurirwa byose, nta n'ikindi gisekuru, usibye icya nyuma, igisekuru aho umwijima wo kwimura Imana wajimije byose, kandi ni cyo cyo kugarurirwamo byose; ni igisekuru aho byose bigeze ku musozo. Ni cyo gisoza byose.

Noneho tugeze ku mwanzuro w'Ibisekuru Birindwi by'Itorero, tuvuga gusa icyo Umwuka abwira buri gisekuru, agira ati: "Ufite amatwi niyumve icyo Umwuka abwira amatorero."

Ndizera n'umutima wange wose ko Umwuka yavuganye natwe, gusa atari ku bwo kutwigisha ukuri ku bisekuru, ahubwo na none yakoreye mu mitima ku buryo bwo kwizerwa kugira ngo abo ngabo bamuhindukirire. Iyo ni yo ntego y'ikibwirizwa n'inyigisho yose. Ku bw'ibyo, ni ku bw'ikibwirizwa no ku bw'inyigisho by'Ijambo intama zumva ijwi ry'Imana maze zikayikurikira.

Nta na rimwe mbwiriza abantu ubutumwa kugira ngo mbasunikire kunkurikira cyangwa se ngo baze kwifatanya n'iteraniro ryange, cyangwa se ngo batangize itsinda, idini runaka. Sinigeze na rimwe nkora

ibyo, kandi na none nta byo nzakora. Nta nyungu mfite mu gukora ibyo bintu. Ahubwo, mfite inyungu ku bw'ibantu by'Imana no ku bw'abantu, kandi nzaba nyuzwe niba nshoboye kugera ku kintu kimwe. Icyo kintu, ni ukubona habaho isano y'Umwuka nyakuri hagati y'Imana n'abantu, aho abantu bahinduka ibyaremwe bishya muri Kristo, buzuye Umwuka Wera, kandi bakabaho ku buryo bujyanye n'Ijambo Rye. Ndaha abantu bose ubutumire, bw'uyu muhamagaro n'umuburo, kugira ngo bumve ijwi Rye nonaha ubu, kandi mumwegurire burundi imibereho yanyu yose, nk'uko nzi neza ntashidikanya ko namweguriye ibyo ntunze byose. Imana ibahe umugisha, kandi ukuza Kwe kuzuze umutima wanyu umunezero.



www.messagehub.info

Ibibwiriza bya
William Marrion Branham
"...mu minsí y'ijwi ..." Ibyah. 10:7